

# Mei Fußwäglä

Du schöös schmools Fußwäglä  
durch Gros un Geträd  
un dort aufn Ree hie  
warscht seimol mei Fräd.

Auf dir hamm mich gschtreicht  
die Schmäl un die Schnorrn  
där Gärstn, vam Hober,  
vam Wäas un vam Korn.

Bist du gar verschwundn  
mit mir im Geträd,  
dös größßer wie ich war,  
do jauchzt ich vür Fräd.

Sälbst wenn Gros un Ährlä  
früh hingä vuoll Tää,  
kam ichmit änn Liedlä  
auf dir, Wäglä, här.

Hob bschaunt die vieln ~~Blummä~~,  
die Hummln, die Bie,  
die van där Blüt do  
zu där dort fluogn hie.

Jeds Käferlä war mer  
a Schpielkamerad,  
guckt vür mich, dös ich ja  
kee Schnäcklä zertrat.

Ja, wos hob ich, Wäglä,  
auf dir doch erläbbt!...  
Wie ich dich heit bsuch wollt,  
mei Härz hot gebäabt.

Konnt noch so sehr guckn  
un lääf nauf un noo -  
vergääms - dei hälls Bändlä,  
es war nümmer do!

Du Narr! Wäär brauchts Wäglä,  
wu kee Mensch mehr läfft?  
dacht ich. Hob verlägn  
änn Sohtrauß mer geräfft,

guckt engstlich mich um  
un üms Harz war mersch kalt...  
Du schöös schmools Fußwäglä,  
sehr fählist du mer halt!

H. Hildenstein

*ä = Mümdart-ä!*